



## ՀԵՏԱԲՐՔԻՐ Է ԻՄԱՆԱԿ

Էկոլոգիապես մաքուր էներգիայի աղբյուրների անցումը պահանջում է նկատելի ծախսեր: Հարուստ զարգացած երկրները պահանջում են, որ բոլոր երկրները մասնակցեն ներդրումներին: Մինչդեռ զարգացող երկրները առարկում են, պնդելով, որ մթնոլորտի աղտոտման ու կլիմայի փոփոխության համար պարասպասարկում են հենց զարգացած երկրները, արդյունաբերական հզոր տերությունները: Նրանք են պրոբլեմը սրեղծել: Նրանք են վաղուց արդեն աղտոտում մթնոլորտը ջերմոցային գազերով, ուրեմն, նրանք էլ պիտի ջերմաստիճանի աճի նվազման համար անհրաժեշտ ֆինանսական ծախսերը հոգան: Իսկ զարգացած երկրները շատ էլ հակված չեն դանդաղեցնելու իրենց տնտեսության զարգացումը հանուն գլոբալ տաքացման նվազեցման:

2016 թ. ապրիլի 22-ին 175 երկիր Փարիզում ստորագրեցին կլիմային վերաբերող պայմանագիր: Գլխավոր նպատակն էր հասնել ջերմոցային գազերի արտանետման նկատելի նվազեցման և այսպիսով պահել մոլորակի միջին ջերմաստիճանի բարձրացումը 1,5–2 աստիճանի սահմաններում: Յուրաքանչյուր երկիր պարտավորվել էր.

- Ընդունել արտանետումների նվազեցման ազգային պլան-ծրագիր, տեխնոլոգիապես վերազինվել և հարմարվել կլիմայական փոփոխություններին:
- Պլանավորված ձևով նվազեցնել ածխաթթու գազի արտանետումները մթնոլորտ, մշակել անածխածին տնտեսության անցման ազգային ռազմավարություն:
- Մեծացնել անտառային տարածքները, որոնք կլանում են ածխաթթու գազ:

Սակայն հակասությունները շատ էին և դժվար էր ընդհանուր համաձայնության գալ: Արդյունքում պայմանագիրը պարտադրող ուժ չստացավ: